



# Arubaanse Courant

Anja 25

DIAHUEBS 2 APRIL 1964

No. 5000

## GUERRA CIVIL TA MENASA BRASIL

### TRUPANAN REBELDE TA MARCHA PA RIO

RIO DE JANEIRO, 2 April. - Na Brazil un guerra civil ta menasa, awor cu dos cuerpo di ehército di Brasil a lanta y ta prepara pa huntu nan bai Rio de Janeiro. E rebelion a cuminsa en coneccion cu e proposicionnan di reforma cu president Joao Goulart a haci, cualnan segun e lidernan militar ta abri porta pa comunismo.

Pero e hecho mes cu a causa e rebelion ta cu e president a laga un motin di matroos y marinier-nan siman pasa, sin castiga.

Gobernador Ademir Barros di Sao Paulo a participa den un discurso na radio, cu trupanen di e segundo cuerpo di ehército ta marcha di Sao Paulo pa Rio de Janeiro "pa elimina comunismo for di Brasil" y el a agrega: "mi tin confianza den victoria".

Na Rio de Janeiro mes gobernador Carlos Lacerda, un adversario fuerte di e president, ta encerra den su palacio cu ta reforsa cu sacunan di santu y mas o menos dos mil militar cu ta fiel na gobierno. Trupanen fiel na gobierno ta na caminda pa enfrenta e trupanen rebelde na Minas Gerais. Banconan na Rio de Janeiro ta sera, personal ferroviaria ta weiga y e federacion di trabao bou di direccion

comunista a proclama un welga nacional pa demostra su solidaridad cu president Goulart.


Gobernador Barros di Sao Paulo a declara cu e tin apoyo di marina. Un portavoz a participa tambe, cu e gobernador ta conta tambe cu apoyo di sesenta por ciento di forsa area, esun di mas grandi di Sur America, cu ta dispone di 650 avion y un personal di trenta mil homber. Segun e gobernador su colegadi Rio Grande do Sul, unda e tercer cuerpo di ehército ta staciona, tambe ta apoya. No ta conoci na cualado e ehército aki ta. Tambe e gobernador nan di Santa Catarina, Mato Grosso, Parana y Goiaz parce tambe a scohe lado di gobernador Barros.

Na Rio de Janeiro a worde participa na radio, cu e gobernador nan di e estadonan Bahia, Sergipe, Pernambuco y Rio Grande do Norte a dunan nan apoyo na gobierno. General Jair Dantas Ribeiro, e minister Brasileno di guerra, a laga sa for di tur parti di Brasil tin trupanen na caminda pa yuda gobierno. Entre otro tin un unidad for di Parana na caminda pa yuda gobierno. E minister a participa tambe cu na Brasilia, e capital federal, trupanen fiel na autoridadnan tin e situacion domina y cu eyan ta reina tranquilidad completa. President Goulart ta den contacto continuo cu e gobernador nan cu a keda fiel ne. Segun general Ribeiro trupanen rebelde y trupanen fiel na gobierno ta enfrente di otro na e riu Paraibuna. Eynan rebeldenan a blokea e caminda principal federal pa Brasilia.

### Presentacion di ballet na Mei

ORANJESTAD, 2 April. - Dia 30 di Mei venidero lo worde presenta e presentacion di alunnonan di Arubaanse Dans en Balletschool di Centro Cultural.

E presentacion aki ta tuma lugar tur anja. Ja caba e muchanan, kende ta bou di direccion di nan maestra di Sticusa Poia Jorissen, ta practicando duro pa e anochi grandi. Esaki lo bira e segundo nochi di alunnonan, cu ta worde presenta bou direccion di srta. Poia Jorissen. Nan ta



**FATUM** Tel. 1845  
pa tur bo aseguranan

calcuia un 180 mucha cu lo tuma parti na e grandioso presentacion aki cu lo worde presenta den e teater. E presentacion di dia 31 ta especialmente pa mucha.

### Futuro sombrío pa constructornan di bapor na Hulanda

Rotterdam 2 April. Ayera tardi nan a bautisa ne dok di Verolme y compania di construcion di bapor na Rozenburg un tanker di 53.000 ton. E tanker di motor

aki ta por lo pronto e ultimo cu Verolme a construi pa Scandinavia. E cartera di pedido no ta contene mas encarga di Scandinavia. E astilleria aki ta laga construi dos bapor mas pero esakinan lo wordu construi na Japon.

E astillero Sueco den un discurso despues dje seremonia di bautismo a admiti, que diferencia di prijs entre hafnan West Europeo y esnan na Japon ta haci e imposibel pa sigui haci pedido na West Europa. Senyor Verolme a cai aden door di bisa entre otro: "Gracias pa trabow eficiente y bon prestacion di trabow e Hapones y sueconan por a construi mas barata cu nos. Nos obreronan no ta traha mas cu henter na energia. E prestacionnan di trabow apesar di aumento di sueldo y provisionnan social cambia no a mihora."

Un bista di e sucesonan di siman pasa na Brasil cu a conduci pa e rebelion di unidatnan di ehército cu actualmente a destalla den e pais. Aki por mira motinadornan di marina di - Brasil cu a instala nan mes den e edificio di un union syndical, mirando e trucknan jen di militar cu mester atrata pa saca nan for di e edificio.

HAVE A REAL CIGARETTE

HAVE A

CAMEL



ARUBA'S FAVOURITE  
CIGARETTE



Diamars anochi e prome Buurt-vereniging di Aruba a worde formá na nos isla, Sociedad Serito pa e habitantenan di Weg Seroe Blanco y vicendario. Ariba e portret aki nos ta mira e miembronan di dagelijks bestuur den compania di e dos invitadonan di honor, . Di r.p.dr. sr. W.Rey Geerman, srta. C.de Freitas, sr. R.A. Chin-A-Loi, sr. Hendrik Wernet y sra. L. Yarzagaray-Berkley.

## "SOCIEDAD SERITO" PROME BUURTVERENIGING ARUBANO

SAN NICOLAS, Habitantenan di e barrionan Rooi Hundoweg, Seroe Pretoeweg, Seroe Blanco, Weg Fontein y Bucutu tin e prome "Buurt-vereniging" di Aruba. Un "Buurt-vereniging" ta un asociacion cu ta ofrece hopi posibilidad na e hendenan cu ta biba den mesun bario, pa nan coopera cu otro, yuda esnan cu ta den necesidad, crea oportunidad pa pasa tempo liber na un manera agradabel, promove educacion y hopi ventaha mas ariba terreno social.

Diamars anochi e dagelijks bestuur provisional formá pa senjores R.A. Chin-A-Loi president, W. Rey Geerman secretario, y Hendrik Wernet tesorero, a tene e prome anochi di contacto. Pa e ocasion aki tabata presente como huesped di honor senjora Yarzagaray-Berkley y senjorita C. de Freitas tur dos sociale werkster na nos isla, tambe tabata presente senjor J.J.P. Zepp Oduber, promotor dje plan pa forma e sociedad.

Segun nos a comprende di e secretario sr. Rey Geerman, e cu su amigo H. Wernet hopi biaha sa aserca sr. Oduber cu un of otro problema den organisacion pa fiestanan di Anja di La Reina pa e hendenan di nan bario, y ariba esaki sr. Oduber a sugeri pa nan organisa un sociedad cu

lo dunanan mas facilidad pa clase di organisacionnan asina. E hobennan no a laga yerba crece y mes ora a cuminsa traha plan pa lanta un buurt-vereniging, nan a forma un directiva provisional, cu ta consisti di e tres personanan ariba mencionpa dendi dagelijks bestuur, y tambe un vicepresidente Luis Peters y un comisario Lorenz Greux.

E lugar di reunion tabata den cura di cas di sr. Hendrik Wernet situa na Weg Seroe Blanco. E truck di Cine di Lago na encargo di sr. Luydens a percura pa luz, loudspeaker, muziek y dos pelicula masha interesante. Basta hende a responde na e invitacion di e directiva provisional dje asociacion, y pa prome anochi di contacto e secretario tabata satisfecho. Despues di a duna

bonbini sr. Geerman a haci algun splicacion cortico tocante doel dje asociacion cu a hanja number di SOCIEDAD SERITO. Despues el pasa palabra na sr. Zepp Oduber, kende a duna poco mas detalle ariba e asunto aki. El a muestra ariba e tema cu Union ta Forsa, tambe ariba e posibilidadnan grandi cu un sociedad manera esaki por ofrece. Te hasta lo tin chens pa lanta un school di coce chikito pa tene homber di coce chikito pa e hendenan dje barrio ey, educacion pa mamanan hoben, organisa anochinan di contacto pa tene mucha hombernan for di caja y hopi otro cos mas. Especialmente e ta contento cu e actividad espontaneo di e hobennan cu a dedica nan tempo pa organisa e sociedad. E ta sigur cu Sociedad Serito lo bira un exito, contal cu tur e hendenan dje barrio mes tambe duna nan cooperacion. Despues di un pelicula cortico pero interesante cu sr. Luydens a pasa, sr. Geerman a introduci e dos huespednan di Playa, sra. Yarzagaray y srta. De Freitas a elogia e idea masha tanto. Na Aruba ta e prome "Buurt-vereniging", tin un Centro na Tanki Leendert cu ta algo similar, pero e ta mas un club pa e hobennan di Tanki Leendert. E buurt-vereniging su posibilidad pa e hendenan ta mas amplia. Srta De Freitas a bisa di ta conoce balor di un bon buurt-vereniging, y tambe a duna algun ehemplo di e probhechonan cu un sociedad asina por duna. Tambe sra. Yarzagaray a dirigi algun palabra di aprobacion pa e iniciativa original aki na Aruba, y

## ST. GERARDUS CURSUS ARUBA STENO HULANDES

Curso nobo lo cuminsa diamars dia 7 april venidero.

Acudi na: Wilhelminastraat 18,  
Tel. 3268 (5-8 or) Tel. 7227.

## Gran interes pa Fotosalon Aruba

Oranjestad, 2 April

Inclusivo e 20 remesanan cu fotografonan amateur di Corsow a manda aden, e directiva di Aruba Camera Club a ricibi mas o menos 70 a 80 potret pa e exhibicion cual Diasabra anochi venidero lo worde inaugura bao di e number "Fotosalon Aruba 1964" na Centro Cultural. E directiva di e club a keda sumamente satisfecho cu e animo pa e concurso. E ganadornan lo ricibi premionan di cincuenta, treinta, binti y diez florin. Pues e directiva di Foto El Globo a pone cien florin aserca. Durante di e reunion di Diamars anochi e directiva di e club, no a yega na un acuerdo alda si nan lo aumenta e premionan of no. E inauguracion di e exhibicion lo tuma lugar Diasabra anochi pa och'or den presencia di e miembronan di club, y directiva di CCA, Comision di Exhibicion y Aruba Trading Company. E jurado cu lo nombra e ganadornan lo consisti di e fotografo profesional di Corsow, Fred Fischer, fotografo di Lago Norman Singhy e fotografo profesional di Oranjestad Aruba, J. Keijzer. No ta imposibel cu na ocasion di e concurso aki, e "wissel schaal" cu na anja 1957 a worde poni desponibel door di Aruba Camera Club pa e encuentronan anual di fotografia entre Corsow y Aruba - y promer biaha a worde gana door di Aruba y desde e tempo a keda den e cashi, como cu no tabatin mas encuentronan entre e clubnan lo worde usa atrobe y entrega na e club ganador.

a muestra cu tambe pa nos majaan e sociedad ta masha importante. Un mama cu alidia henter dia cu su yiunan tambe mester di diberticion, y pa nan e sociedad por organisa algo un of dos bes pa siman. Diberticion pa nan tambe ta masha necesario. Ariba esaki sr. Geerman a duna algun informacion mas tocante e Sociedad Serito, e statutonnan ta na Corsow actualmente pa worde aproba, plannan ta existi pa pidi un tereno serca gobierno na unda nan ta spera di traha un casita cu lo bira e centro na unda tur e actividadnan lo tuma lugar por lo pronto. E anochi interesante aki a worde termina cu pasamento di un pelicula. Ojala cu mas barrio lo sigui e ehemplo di Sociedad Serito.

## DANIEL CROES PRESIDENT DI SUE THOMPSON CLUB

ORANJESTAD, 2 april.- Durante di un reunion general di miembronan di Sue Thompson Fan Club, cual a worde teni ultimamente, un directiva nobo a worde eligi. E puestonan a worde reparti como lo siguiente: Senjor Daniel Croes presidente, vice presidente Maria Jimenez, tesorero Frans Croes, secretaria Maja Moen, y como comisarionan Richard Mercera y Mikel Lopez.

WAAK  
BON  
PROME BO  
CUMPRAI!

Un auto mancaron bo por cambia.....  
un sapato mancaron bo por cambia.....  
pero un vloer di mosaico mancaron si ta un problema grandi!  
Pesey waak bon prome cu bo cumpira.  
Nos ta spera bo na  
FABRICA DI MOSAIC

## PICHARDO

Barbadoweg 8 - Portrero entrada Rondweg pariba di Aruba Gas Supply.

tel. 1673

## E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

## PETRONA & CROES

Diasabra anochi e teenernan di Sue Thompson tabatin un programa grandioso "twist coctail". Diasabra venidero e club lo tin un fiesta den Commandeursbaai Club na Savaneta.

Y cu cooperacion di nada menos cu tres conjunto, esta: Sensacion, Musical, Th e Shadows y The Magnificent Five.

## Pelicula di L.L.

Cu e bapor di entrenamiento Americano State of Maine lo yega nos isla algun film tocante Little League, manda especialmente pa Aruba door di e president di Little League Internacional. A-

riba Diabierna dia 3 di April den Lago Sport Park cumizando pa 7' or di anochi e filmnan lo worde pasa pa di promer biaha pa e publico Arubano.

Dos dia despues, diadomingo dia 5 di april, e film lo worde presenta den Wilhelminastadion na Playa. E presentacion aki lo cuminsa pa 7.30 di anochi.

Ambos presentacion ta worde gesponsor door di Super Cleaning, cu lo cubri e gastonan di pasamento di e filmnan.

Completamente gratis entrada na e dos ocasionnan lo ta pa tur publico di nos isla.

# SPAAR E PARHANAN DI ARUBA, NO MATANAN



# Pedro Figaroa reeligi president di ATTA

(Di Nos Redactor Deportivo)  
Diamars anochi a worde teni den sala di reunion di Wilhelminastadion e reunion general anual de Aruba Table Tennis Association. Pa e reunion aki no a existi hopi interes di parti di e clubnan afilia. E hecho akis embargo no a kibra e reunion.

Como cu e resto di e miembronan di directiva a worde eligi na anja 1963, e parti di eleccion di directiva tabata concerni unicamente eleccion di un president. Tabata tin unicamente un candidato, e ya president Pedro Figaroa, kende pues a keda reeligi den e puesto di president.

For di anja 1961 senior Figaroa ta ocupa e presidencia di A.T.T.A. Durante e reunion a worde lanza diferente proposicionan pa A.T.T.A. demostra mas actividadnan den anja 1964. Actividadnan cu lo yuda hisa e nivel di nos pingpong. E campeonato anual ta worde planea pa luna di augustus, mientras cu lo tin tambe diferente torneonan eliminatorio y e acostumbrado 10 y 5 kampen.

Pa mehora e situacion financiero, un mehoracion cu ta hopi necesario, ta worde planea di tene un rifa.

Representantenan na e reunion di Club Bonaire y Union Juvenil Noord a expresa cu nan club tin intencion di organisa e anja aki un torneo amistoso di pingpong, cualnan tambe lo contribui asina pa mas actividad y progreso di e deporte.

E directiva en realidad no a hanja ningun cambio y ta consisti actualmente di e siguiente personalnan: Presidente Pedro Figaroa,

demas miembronan Elco Nicolaas, H.M. Croes Jr, H. Harms, Boysi Croes, Emilliano Jansen y Max Tromp.

For di e relato anual di e bond, nos por saka cu e directiva na anja 1963 a reuni un total di seis biaha. Punto sobresaliente di e relato ta e participacion di e indiscutible campeon di Aruba y di Antillas Hulandes, Mario Croes Jr, na e campeonato mundial di pingpong na Praag, Checoslovakia. Gratitud ta worde menciona na e comercio cu a contribui y tambe na A.S.U., cual contribucionan a haci e mandamento di e hungador Arubano hunto cu e president di A.T.T.A. posibel. E relato ta menciona cu si e sistema aplica den e weganan individual no tabata di eliminatorio, Mario Croes indubablemente lo a haci mucho mihor papel ya cu durante practicanan el a supera hopi di e participantenan, mientras cu den e eliminatorio el a cai directamente cu dos rival masha fuerte.

En todo caso e campeon Arubano a regresa yen di experiencia, un experiencia cu loportana beneficio di nos pingpong local.

Un nota optimista tin den e relato tocante formacion di un Federacion Antiyano di Pingpong. A worde ricibi un carta di e Bond di Pingpong di Corsow, den cual esaki ta menciona di ta di acuerdo pa forma un federacion a base di igualdad, es decir cu e dos bondnan cu lo tin mes hopi votos. E reunion considera necesario pa realisa esaki simenbargo no a tuma lugar ainda. Directiva di A.T.T.A. tin speranza cu esaki lo sosode pronto.

## NAVU TA EXIHI SUSPENSION DI JUVENTUD MILLIONARIOS

ORANJESTAD, 2 April. - Segun nos a worde informa den e dianan aki directiva di AVB a ricibi un carta extenso di directiva di NAVU tocante e conflicto AVB-Juventud Milionarios. Manera ta conoci, actualmente e conflicto ta den man di un comision di arbitraje di acuerdo cu un proposicion di huez van Koot. Directiva di NAVU den su carta menciona ta jega na e conclusion cu bestuur di AVB mester suspende Juventud Millionarios pa e periodo di un anja y ta duna ordu pa haci esaki.

## JUVENTUD A GANA DAKOTA 4-3

(Di Nos Redactor Deportivo)  
Diamars anochi e serie di seis weganan consecutivo di Juventud Millionarios tin di hunga ainda promer cu e campeonato di futbol hoofdklasse keda termina, a cuminsa. Juventud a enfrentaden e partido aki nan companjeronan di barrio Dakota, ya campeon di e division. Tabata un partido sin ningun clase di emocion.

Hopi bon training ta mucho mi e marcador den di 32 minuut di e promer tempo ora cu un voorzet for di aladrechí ta desvia ariba cabez di Martes, haci un mal bounce y e portero Dakotenjo ta tira den bashi. Esaki tabata e unico gol di e promer tempo.

Despues di halftime, e propio Martis ta bolbe anota apenas yegando e bal cu su cabes. Dakota ta haci e score 2-1 cu un bon coloca shot di Jimmy Richardson. Juventud ta aumenta su ventaha te na 3-1 den di 18 minuut ora cu e portero no ta tene un voorzet for di aladrechí.

Shon Ne Wiersma ta imaginele cu ta e keeper di Juventud den di 31 minuut ora cu e ta pomp un shot for di den boca di gol. Referi Vicente Henriquez a constata e infraccion mesora y a fluit senjalando pa e punta Richardon den aerea penal. Yubi Richardson, hungando di delantero den e partido aki, ta cobr'e y ta anota su unico gol di e temporada pa pone e score na 3-2.

Poco despues midvoor Hildo Jacobs di Juventud ta percura pa gol number cuatro di su equipo. Ultimo gol di wega ta produci door di Tirso Steba di Dakota ora cu e ta kop un voorzet di su ruman Nulfo Steba.

E partido a termina 4-3 den favor di Juventud, loke ta alavez e unico derrota cu Dakota a sufrí den e campeonato.

E resultado aki ta pone Juventud den un posicion cu practicamente nan no ta den peliger mas pa degrada pa A-klasse.



"SANTA PAULA" y "SANTA ROSA" bapornan

● moderno di **GRACE LINE**, semanalmente ta trece turista y carga pa nos isla.

\*Usa e servicio eficiente di **GRACE LINE** biaha via **GRACE.**

Agente:

**EMAN TRADING  
CO. INC**

Oficina tel: 1156-1554-

5054-5055

Dock tel: 2135



## Sportboys Benhaminnan Hoofdklasse 1964



**SPORTBOYS CAMPEON A-KLASSE 1963:**

Para di r. pa dr.: Amado Yarzagaray, Andres Werleman, Mario Geerman, Bernardo Lee, Marcial Acosta, Rafael Geerman y Pablo Werleman.

Na Rudia di r. pa dr.: Serapio Geerman, Felix Geerman, Mario Croes, Jacinto Werleman, Irving Yarzagaray, Eddy Ras.

Keeperman: Rupert Lee y Pedro Geerman.

Falta ariba e foto: BENITO Werleman y Gregorio Briezen.

(Di nos redactor Deportivo)

Nos a yega di duna publicacion caba na e hechq cu e hoben club "Sportboys" a obtene na e recientemente finaliza campeonato di futbol A-klasse 1963, como campeon den e division aki. Nan a termina cu un impresionante record di 15 wega gana, 2 empate y apenas 1 perdi pa un total di 32 punto. Nada menos cu 59 gol nan a anota y permitiend 19 en contra. E club aki a worde funda na anja 1958, pa ser mas exacto di a 24 di Mei di e anja ey. Pues despues di apenas cinco anja di existencia, cu nan promer lustro nan a logra bira campeon den clase A di nos futbol, loke automaticamente ta promove nan pa e clase mayor (hoofdklasse). E club ta competi den dos division di e futbol organisa di nos isla. Ademas di esun cu a caba di resulta campeonclase A, pues nan tin otro equipo den reserve-clase. Segun nos tin etendi, e directiva actual tin intencionnan tambe di organisa un equipo di junior, ya realisa cu ta for di e juniornan mester saka e hungadornan di man. Tambe ta un hecho cu nan

nior den un club y ta promove te na yega den e division di mas haltu ta hunga cu mucha mas amor y deseo di gana pa nan club cu hungadornan cu a join un club na grandi. Pa practica y tene su propio encuentronan amistoso Sport Boys ta haci uso di tereno cu ta petenece na Sr. Lucas (Juan) Werleman y cual tereno ta situa na Angochi. E gesto di e cabayero aki pa permiti usc di su tereno pa un tereno di deporte ta worde altamente aprecia door di e algo mas cu 100 miembro di e club. E hecho cu e club, di apenas cinco anja di existencia, ta conta caba cu mas di cien miembro ta proba cu e ta hopi gusta den e pueblo di Sta. Cruz y vecindario. Como cu e club tin su tereno pariba di Sta. Cruz y ta for di e barrio ey tur e hungadornan ta procede, den boca di pueblo e club ta worde yama "di e muchanan di banda ariba". Despues di su fundacion na 1958, Sport Boys a competi oficialmente pa di promer biaha na anja 1959 den B-klasse, caminda nan a permanece pa durante dos anja. Obteniendo e titulo di campeon di e division ey na 1960, nan a pasa na 1961 na A-klasse, y a gana e campeonato na 1963.

den clase A pa bira campeon y obtene e promocion pa hoofd klasse. E muchanan di SportBoys, cu tin como colornan blauw y blanco a haci na december 1963 un viaha pa Colombia. E viaha aki originalmente tabata planea pa hunga algun wega tambe na Colombia, pero a surgi dificultadnan cu a imposibilita nan actuacion na e pais ey.

Cue actual directiva tin plannan serio pa e club ta worde demostr door di nan esfuerzonan continuo pa mehora e clubhuis y pa e futbol di nan muchanan progresar. Pa extende e clubhuis, e directiva ta organisando un rifa cu lo tin como promer premio un auto marca Ford. Pronto e rifa aki lo ta riba plaza y for di e columnanan aki nos ta haci un yamada na e publico Arubano pa apoya e esfuerzo di e hobennan di SportBoys cu ta haciendo tur esfuerzo pa engrandece nan club.

## E lucha racial na Merca

SAINT AUGUSTINE (Florida), 2 April - Mama dje gobernador dje estado Mericano Massachusetts, senjora Malcolm Peabody di 72 anja, awe a keda aresta den estado di California Saint Augustine. El a llega e ciudad aki pa participa ne demostracionen contra separacion racial, cu t a ser tene fol un siman caba ne lugar menciona.

Senjora Peabody a keda detene ora cu e tabata hunto cu 4 otro muher di colo den e comedor di un hotel, apesar dje hecho cu e hotel aki ta solamente pa hende blanco. Den su compania tabatin tambe esposa di un religioso protestant y un catedratico den theologia ne universidad di Harvard. Ora cu nan tur a ninga di sali dje sala nan, keda detene.

## Etiopia y Somalia

ADDIS ABEBA, 2 April. - Atrobe tabatin un bringamentu entre trupanen fronterizo di Somalia y Etiopie. E biaha akitabatabanda di Teferi Ber, den Ogaden.

Ayera e armisticio cu a worde logra na Khartoem entre e dos paisnan a drenta na vigor. E minister Etiopie di defensa a declara cu el a duna su trupanen orden pa stop di bringa, pero e militarnan di Somalia a sigui bringa. Na otro lugarnan na e frontera tabata tranquil.

Gobierno di Somalia a participa e 1000 soldado pa trupanen pa stop di bringa.

# Probablemente tres Jet 10 di April

ORANJESTAD, 2 April. - Na e momento ta parse cu tur tres e companianan di aviacion. cualnan asina cu Aruba su pista di aterizaje pa avionan jet ta cla, lo tin vuelonan regular cu e avionnan aki pa nos isla, lo ta representa cada uno cutal avion dia 10 venidero, ora cu e pista mencionada worde inaugura oficialmente. Si enberdad esaki tuma lugar, e dia aki lo tin tres jet na aeropuerto, estadi respectivamente Trans Caribbean Airways, Pan American Airways y KLM.

Pero e plannan aki no ta cla ainda, Panam si en berdad ta cla pa dia 10 venidero baha cu un jet jen di autoridadnan y representantenan di prensa for di New York. KLM tambe tin tal plan na estudio, pero desicion no a worde tuma ainda. Loke ta trata di TCA, parse cu pa e fecha ey tin basta problema. Mientras cu na Aruba e rumor ta corre caba cu TCA lo no logra baha dia diez cu jet na Aruba, e oficina di e compania menciona na Aruba no por a desminti ni admiti esaki. Senyor Jimmy Wever, manager di e compania aki na Aruba, na e momento ta na New York pa delibera tocante di e asunto aki. Asina cu e yega nos lo tende mas tocante esaki.

Rumornan cu e jet-airport lo ta cla pa dia 10 venidero, segun expertonan cu nos a puntra, esaki no ta berdad. Apesar cu dia 10 e pista lo ta cla pa ricibi jetnan den dia, esaki lo no por tuma lugar como cu trabaonan den becindario di pista di ateri-

zaje en coneccion cu eluminacion di e pista, tin di worde haci ainda. Y en bista di seguridad aterizahenan durante di oranan di trabao no ta deseabel.

## Fl.665.-- pa ideanan na luna di februari

ORANJESTAD, 2 april - Binti empleados di Lago por a parti Fls. 665.-- entre nan pa motibo di e ideanan cu nan a duna na luna di februari, y cualnan worde recompensa pa e compania.

## R.W.Schlageter a bai cu pensioen

SEROE COLORADO, 2 april.- Memei di e luna aki sr. R.W. Schlageter, segundo homber na e departamento di relacionnan publica di Lago lo bay cu pensioen. Sr. Schlageter a drenta den servicio di e compania di azet a na Aruba na semper 1929, na unda na principio el a haya un empleo na departamento di contabilidad. Sr. Schlageter a ocupa varios puestos y tabata secretario di director Lloyd G. Smith for di anja 1936 te 1939. Na anja 1940 cu a worde decidi pa publica un revista propio di e compania jama "Aruba Esso News" Bob Schlageter tabata e prome persona na e redaccion di e revista aki. E prome edicion di "Aruba Esso News" a sali dia 18 di december di anja 1940. Na principio e revista aki ta-



BO  
TA  
SPAAR  
HOPI  
TEMPO

cu un  
WASMACHINE  
AUTOMATICO!

bata worde imprimi na Curacao caminda sr. Schlageter mester a bula regularmente entre Aruba y Curacao. Sr. Schlageter, kende ta un habitante activo na Seroe Colorado y cu ta haci hopi trabao religioso ayanan no tin plannan segur di e manera cu el lo bay disfruta di su pensioen. En todo caso e no tin intencion di keda sin traha. E ta spera di haya na Estados Unidos un empleo di relaciones publico (no mucho ocupa).

## Ganadornan A.C.C.

ORANJESTAD, 2 april.- Diamars e miembronan di A.C.C. a reuni atrobe pa mira e resultado-nan di nan midimento di forza mensual. E biaha aki tabata e slidesnan di color na turno. E mehor fotografonan e biaha aki tabata: 1. A.A.M. Carpay-2. A. Reuzink 3. W. Huismans 4. A. Spit 5. A. Stolwijk 6. T. Nijdam y 7. J. Geurts. E tema tabata "Paisahe". E tema obligatorio (pretu cu blancu) pa e luna venidero ta "Industria".

## Karel Daorman ta bin Aruba cu exposicion

ORANJESTAD, 2 april.- Ora cu e biaha aki e portaaviones Karel Doorman bishita Aruba atrobe e lo tin un exposicion completo di fotografia na bordo cual lo por worde mira pa publico. E exposicion a ser compone riba iniciativa di Schout bij Nacht Caal pa e Camara Club Nieuw Den Haag. Esaki ta un club cu ya caba a hanja un prome premio durante un concurso di e Bond di Amateur Fotografen na Hulanda y cu a sali di cuater na e concurso di Foto Europa. E coleccion di Nieuw Den Haag lo regresa Hulanda bek cu Karel Doorman. Schout bij Nacht Caal pronto lo jega Antillas pa hasi e preparacionnan necesario pa e exposicionnan.

Tambe e ta mustr a masha interesa pa sera conoci cu e obranan di e fotografonan amateur di Antillas, esta e obranand di caracter local principalmente.

Si e Schout bij Nacht tin idea pa hiba un coleccion Antillano pa Hulanda ainda no ta conoci.

## Awe ta pone dak pa cas P. Willems

MACUARIMA, 2 April. - E contratista Isidro Lopez a cuminsa pone un dak nobo riba e cas di sra. viuda Petronilla Willems, cu ta biba na Macuarima 43-A. Manera nos lectornan por corda e señora aki mester a desocupa su cas pa motibo cu e tabata serca di cay aden. Gracias na e comite di damas di sociedad Bolivariana y tambe di e companianan di tur banda ricibi tabata posibel pa interveni na tempo, na unda a worde evita pa e senjora bjeeuw bandona su cas.

Papa Pablo a participa na e caminda di cruz diabierne santu na Roma. Aki por mira Papa cargando e cruz pa e altar caminda el a tene un discurso.



E disenjadora di moda Italiana Lia Placentini ta mustra dos di su modelanan pa bistirnan di soeur den futuro. Na

robez un bistir cu capa y na drechi un modela pa e soernan cu ta corre scooter, of futura astronautanan.

## AVISO

E suscrito, Theodore M. Quammie, biba na Kas Paloma number 17, na Aruba, pa medio di e anuncio aki ta duna aviso irrevocable cu e no ta responsabel di ningun manera y pa ningun motibo pa ningun acto haci of pa ningun irregularidad cometi den Antillas Neerlandes door di e muher jama MEREDITH (su nomber prome cu e casa tabata: JOSEPH) cu kende e suscrito a casa legalmente y cu mal intencion su biba menciona aki riba y a keda ausente for di su cas, bandonando sin consideracion nan yiu muhernan di respectivamente cinco, seis y siete anja di edad.

Theodore, M. Quammie, Aruba, Maart 1964.





## Princesa Beatrix a dal cu auto

SOESTDIJK, 2 April. - Princesa Beatrix a dal dia di Pascu di Resurreccion cu su auto contra un palu, ora cu e tabata di caminda di Palacio pa Castillo Drakensteyn. E princesa a keda ileso. Su auto a keda mal kibra parti dilanti. Segun servicio di informacion di reinado awe a duna como contesta riba preguntanan. E princesa a conta personanan cu tabata tey cu el a sintiele un poco raal.

E princesa a cana cu pia pa Drakensteyn y despues riba insistencia di Princesa Bernhard a laga dokternan dje hospital academico di Utrecht examinele.

## E conflicto na Saoedi Arabia

BEIROET, 2 April. - Shete yiu homber di Rey Saoed mester bandona Saoedie-Arabia temporalmente pa motibo di nan participacion den e conflicto entre Rey Saoed y premier Feisal tocante autorisacionnan di gobiernu. Asina a worde participa pa diferente diario di Libanon. Rey Saoed, kende pronto lo bandona e pais pa motibu di su salud, ta permanece actualmente den su Palacio na Riad. Parce cu e medida a worde tuma pa duna pre-

mier Feisal oportunidad pa forma su gobierno segun e decision cu recientemente a worde tuma pa e conseho di diesdos sabio.

63 Prins di famia real na Saoed a firma un declaracion den cual nan ta bisa di ta acepta traspaso di autorisacionnan di gobiernu na

Prins Feisal, e premier di e pais. Nan a acepta su plannan di reforma y a pidle pa ehecuta nan mas pronto posibel na interes di e pais. E declaracion a worde participa via di radio, cual organo a anuncia tambe e decision di e conseho.



## E conflicto entre Rusia y China

HONGKONG, 2 April. - E corant cu ta worde publica na Hong Kong "Wen Wei Pao" a insisti pa liquidacion inmediata di premier Chroestsjow. Segun e corant aki esey ta necesario pa e siguiente motibunan: Chroestsjow a bende union Sovietica y a perhudica su pais y pueblo. El a causa danjo mas grandi na e movimientu mundial Comunista door di tuma un direccion revisionista y ademas a capitula pa Merca.



Na e aeropuerto di Paris, Orly Alexei Adzjoebel, yerno di Chroestsjow y hefe di redaccion di e corant di gobierno Ruso "Izvestia", a bisa periodistanan cu Union Sovietica a dicidi di abstene di tur polemica cu China, pero e no por mantene su actitud pacifico pa eternidad. Contestando algun pregunta Adzjoebel a bisa, "den un pelea boxistico ta sosode hopi biaha

Un momento di e accidente espectacular cu a tuma lugar durante e caredanan di motocicleta na Leycester Inglaterra. E dos corredornan a worde saca for di nan motor ora cu esaki a sali for di epista cu un veolcidad di 90 km pa ora. E dos victimanan David Wheeler y Arthur Poulton a keda seriamente herida.

cu un boxdo ta hiba e politica di solamente ricibi golpi den algun round, su adversario ta bira temerario, y no ta preocupa mas pa su defensa y e ta haye cu un atake sorprendente.

E agencia Comunista Chines di prensa "Nueva Delhi" a anuncia cu un delegacion comercial di Rusia a worde ricibi na Peking pa e minister Chines di comercio Tsji-Tsjoeanj, kende despues a ofrece e huespednan Ruso un banquete. E delegacion, cu ta bou di direccion di e segundo minister Ruso pa comercio, a yega China diadomingo prome cu e atake nobo di e Chines nan riba Chroestsjow.

Un bista di e desastre na Alaska despues di e temblor di siman pasa. Aki por mira un di e cajanen principal di Anchorage caminda casi tur edificio a keda destrui.



DRAMA NA LAMAR- Esaki ta loque a sobra di e tanker San Jacinto despues qu e bapor a kibra na dos banda di Cabo Virginia na momento qu e tabata baiendo New Port News, Va. Trinta y cinco tripulante a keda a bordo di e bapor kibra na dos qu ta ser di tow aki.



## Fluor den awa di bebe ta bon pa dientenan

ORANJESTAD, april.- E resultado di un investigacion cu a worde haci na Aruba en relacion cu e echo cu desde 1958 fluoride ta worde agrega na awa di bebe, a muestra ultimamente cu den e cinco anjanan cu esaki ta worde haci, un mehoracion di e "dientenan di lechi" di e muchanan entre seis y siete anja a tum a lugar cu ocho por ciento pa cinco por ciento pa elemento. Pero e mehoracion di dientenan permanente den e grupo aki tabata mas grandi, esta 25 por ciento pa mucha y 32 por ciento pa elemento. E mehoracion aki alavez por a worde constata mas mihor alnda den e grupo entre 10 y 11 anja, caminda e cifranan tabata respectivamente 43 y 37 por ciento.

Ora cu na anja 1958 un Fabrica di awa na Balashi a worde poni na uso, fluor a cuminsa worde agrega na e awa di bebe. Esaki a tuma lugar cu e speranza cu e lo mehora e situacion di dantiamento

di dientenan na Aruba. Tabata deseable como cu specialmente e muchanan di school a resulta di tin masha hopi djente malo. Na cinco school de n e distritonan afor un investigacion di djente a tuma lugar.

Di tres grupo un contamento a worde haci, esta cerca 516 alumno entre sies y siete anja, cerca 581 alumno entre 10 y 11 anja y 72 alumno entre 14 y 15 anja. Cerca e mes un cantidad di alumnonan dividi den e mes un gruponan ya menciona un investigacion a worde haci anja pasa, esta cinco anja despues di e promer investigacion.

Pa hanja mihor comparacion di cifranan e gruponan a worde manteni manera cinco anja pasa, esta partiden mucha homber y mucha muher. Di e tres gruponan e grupo di edad entre 14 y 15 anja a resulta mucho chiquito p a hanja cifranan cu por ta confiable. Durante e investigacion aki, atencion a worde poni ariba e dientenan danja, esnan jena y esnan cu falta. E djentenan di e muchanan muhernan en general a resulta di ta mas malo, esaki probablemente como cu e mucha muhernan ta come mas cos dushi.

Entre e anjanan 1958 y 1963, especialmente pa facilita e investigacion ningun propaganda pa cuidu di djente a worde haci na e schoolnan caminda e investigacionnan a tuma lugar na anja 1958 y lo tuma na 1963, caminda e investigacionnan a tuma lugar na anja 1958 y lo a tuma lugar na 1963 door di cual por accepta cu e custombernan den e distronan, en

cuestion cu cuidu di djente a keda mescos, of no a cambia mucho. Apesar cu e djentenan di e muchanan ta laga hopi di desea, seguramente door di agrega fluor den awa di bebe, esaki ta mehora. Segun ta worde spera e mehoracion lo continua, pero pa esaki ta necesario pa mehora e custombernan di come (especialmente comemento di cos dushi) y higienica di djente.

## Cambionan na Mexico

MEXICO CITY, 1 April - E minister Mexicano di exterior, Manuel Tello, a ofrece su retiro na president Lopez Mateos. Esaki a nombra Jose Gorostiza como su sucesor. Gorostiza te awor aki tabata segundo minister di exterior.

Manuel Tello a retira como minister di exterior di acuerdo cu constitucion, pasobra el a pone su mes candidato pa e puesto di senador di estado Zacatecas pa e partido di gobierno.

## Limitacion pa Mericanonan

MOSCU, 1 April. - Gobierno Polaco a laga Merca sa, cu for di mayan e libertad di movimentu di personal diplomatico y consular na Polonia lo ta limita.

Den un nota cu a worde entrega na e embajada Mericana na Varsovia, ta worde bisa, cu Polonia ta dispuesto pa suspende e limitacionnan ey, asina cu Merca tambe suspende su medidanan igual pa personal di embajada y consulado Polaco na Merca.



Aki astronauta John Glenn, cu su casá banda di su cama, ta anuncia qu el a desisti di e campaña politica pa senador di Ohio. El a hasi e anuncio na Wilford Hall Hospital na Lackland Air Force Base, Texas. Glenn ta recuperando di un caña cu el a hasi den su cas na Columbus, Ohio.

## Apoyo pa senador Fulbright

TASCALOOSA, 2 April. - E president di e comision di Senado pa relacionnan cu exterior di Senado Mericano, Fulbright, a haya apoyo pa su punto di bista cu el a expresa recientemente cu e actual politica Mericana contra Cuba a faya y cu e mester bira mas flexible, di e senador Democratico John Sparkman, kende ta be ta miembro di e comision ey.

Sparkman a declara den un discurso pa estudiantenan di e universidad di Alabama cu e ta considera importante pa haci distincion entre estadonan comunista cu kier medidanan constructivo pa reforza paz mundial y paisnan cu no kier bandona nan hostilidad contra mundu liber.

Segun e entendimentu cu e bloque Comunista lo por worde mehora si e comercio worde expande selectivamente.

Un boycott general di paisnan Comunista mientras cu hopi di e aliadonan di Merca no ta contribui na esey no tin ningun efecto, asina senador Sparkman a bisa.

E ta considera un mihor politica pa expande e comercio den mercaderianan no estrategico cu algun paisnan Comunista, na cual un completa boycott economica di Alemania Oriental y China Comunista mester keda mantene. Mester probecha mas di e desunion den mundu Comunista.

## E asunto di apartheid

NEW YORK, 2 April. - Consejo di seguridad mester actua positivamente y cu eficacia, pa evita un conflicto violento cu Sur Africa. Segun e president dje comision importante di apartheid di Nacionnan Uni Diallo Telli.

Den un rapport cu siman pasa e comision a aproba y cu awe a wordu entrega cerca consejo di seguridad el a scribi: "E-

comision importante ta convenci, cu accion positivo y eficaz door di e consejo di seguridad ta necesario pa evita un conflicto violento na Sur Africa.

E rapport ta insisti cerca consejo di seguridad di tuma pasonan nobo necesario pa obliga e gobierno Sur Africa di laga presunanan politico mas liher posibel den libertad y evitele di ehecuta personanan condena pa motibo di resistencia contra apartheid.

Un enorme nubia di huma ta sali for di e bapor Panamenjo Beth, cu siman pasa a pega candel na sur di Santo Domingo den mar Caribe. E portret aki a worde saca door di un avion di guardacosta Mericano. Tur e tripulantenan a wordu salba.

## Strobamento di Radio Peking

PARIS, 1 April. - Rusonan no por scucha e transmisionan di Radio-Peking na Ruso. Riba dos onda di e emisora aki tin un emisora Ruso especial di interferencia. Esaki a worde constata pa e servicio di Radio di e agencia Frances di noticia.

## Izwestia tocante incidente aerea

MOSCU, 1 April. - E organo di gobierno Ruso Sovietico, Izwestija, a anuncia, cu e equipo fotografico di e avion Mericano di reconocementu, cu a worde tumba dia dies di maart riba Alemania Oriental, tabata en funcion, ora cu avionnan cazador

Ruso a tumba e avion Mericano banda di Gardelegen, 25 kilometer dentro di territorio di Alemania Oriental. Manera ta conoci e tres ocupantenan di e avion a logra bandona e aparato cu nan paracaida.

E Mericanonan semper a bisa cu e avion a perde su rumbo y cu pa esey e tabata riba territorio di Alemania Oriental, ora e worde intercepta pa e cazador Ruso.





# AGENDA

## ARUBAANSE COURANT

diariamente cu excepcion di  
diadomingo  
suscripcion f. 3,25 pa luna  
edicion los 20 ct.

edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS MIJ.

imprimi na:

N.V. DRUKKERIJ  
„DE STAD,,

Telefoon 1116 Directiva y redac-  
cion, 2116 Anuncio y subscrip-  
cion.

Directeur hoofdredacteur:  
D. Wolff.

POR CUMPRO ARUBAANSE  
COURANT NA E SIGUENTE  
LUGARNAN:

NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID.

NA SAN NICOLAS  
NICOLAAS STORE,  
UNION STORE.

## RADIO CARACAS TELEVISION

- 8.45 Senderos de luz
- 9.00 Cajas con sorpresas
- 9.30 Jardín de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monte-  
verde
- 15.15 Perfecta ama de casa
- 15.45 Aventuras de Popeye y  
Yeyo
- 16.15 Mejías y sus muchachos
- 16.45 Busque su marca
- 17.15 Comedy Capers
- 17.45 Noticias
- 17.50 Papa lo sabe todo
- 18.30 Extraño mundo del Pan-  
tano
- 19.00 Revolver a la orden
- 19.30 Nuestra Peggy
- 20.00 El Observador
- 20.15 Novela
- 20.30 Craneoteca de los genios
- 21.00 Pánico
- 21.30 Las enfermeras
- 22.30 Noticias
- 22.35 Cine para todos



## CINE

De Veer: 8.30 p.m. "Het recht  
om geboren te worden" 18 j  
Rialto: 8.00 p.m. "Cimarron" all  
Principal: 8.00 p.m. "La Celda  
Olvidada" 18 j  
Aurora: 7.30 p.m. "Most Dan-  
gerous Man Alive" 18 j  
Savaneta: 8.00 p.m. "El Nor-  
teño" all

## TELEARUBA

5.30 Cartoons  
6.00 Annie Oakley  
6.30 Dutch Film  
6.45 Papiamento Newscast Live  
& Filmnews  
7.30 The Flintstones  
7.45 Papiamento Sportnews  
8.15 I love Lucy  
8.45 Have Gun Will Travel  
9.00 English Newscast Live &  
Filmnews  
10.00 Dutch Film  
10.30 Bold Venture

## CUMPLEANJOS

Dia 31 di Maart a celebra su  
feliz cumpleaños Senora Margriet  
Rasmijn, felicitacion ta bini di  
su querida esposa Juan Isidro  
Rasmijn, Julian Meda, Thelma,  
y Rolando, mama Clarita, tata  
Eva Werleman, suegra Maria,  
suegro Genaro Rasmijn, comer  
Regina Rasmijn, Aura y Pablo  
Peasch, Olga y Toni, Iha Rita,  
wela Causilla, tambe di Petra  
Arends y demas familia Rasmijn,  
Werleman, Schwengle y Paesch

## Bombardeo na Somalia

MOGADESHOE, 1 April. - Cuater  
avion di Etiopia, entre cual dos  
avion bombardeo pisa, dos biha  
a ataca e capital di e parti Noord  
di Somalia, Hargeisa, asina a

worde informa den circulonan  
gubernamental na Somalia.

E Etiopiesen a ehecuta na me-  
sun momento un atake masal  
riba e post Toegwajaleh na fron-  
tera entre e dos paisnan.

Hargeisa ta situa n a altura di  
centro di e frontera entre Etiopia  
y Somalia y ultimo dianan tabatin  
bringamentunan regular eynan.

Ayera dos delegado di ambos  
pais a firma un acuerdo di ar-  
misticio na Khartoem.

E expedicion Peruano  
cu a ser ataca pa in-  
djannan den selva di e  
pais a worde salba gra-  
cias na ayudo militar  
cu a bai yuda nan. Dos  
miembro di e expedicion  
a perde nan bida durante  
e atakenan di e indjan-

nan y nueve a worde he-  
rida. Aki un di e sobre-  
viventenan ta ser poni  
riba un stretcher des-  
pues cu e militarnan a  
jega serca nan.

## ANUNCIA DEN ARUBAANSE COURANT

## POR FIN E AMOR VERDADERO NOVELA

No. 3.

Sra. Beck a puntra. "Mi kier  
meen, akibanda tambe un anja lo  
bo pasa, pa tur hende, y ehende-  
nan joven tin e sentimento cu dies  
dos luna ta hopi tempo". "Bo  
kier meen Brigit no?", José a  
puntra. "Brigit, mi dushi Brigit.  
Bo ta stimé, mi sa esey. Mi a ri-  
para esey cabal" "Bo a bisé caba?"  
"Si, mi a bisé caba". Y su cara a  
bira tristo. "Brigit lo keda tristo,  
pero é sa, cu tur loke mi ta haci  
ta pa é mes." "Sigur", Sra. Beck  
a contesta. "Pero e ta bunita  
tambe. Mi no sa, siami, nabolug-  
ar, lo lagué so pa un anja".  
"Bo ta kere, cu é ta bay lubida-  
ni?". José stem a zona preocupá  
y casi sigur. "Nunca el lo haci  
esey", el a bisa. "Su pensamento-  
nan lo keda semper serca mi pa  
asina e duna mi e forzanan neces-  
sario. El lo sinta spera anjas ri-  
ba mi, y como mi sa esey, mi por  
bay trankil. Pero nos ta sinti pa-  
pia y é ta sperando riba mi. Asi-

na ta Sra. Beck, mi ta sali un ra-  
to. Kizas mi bolbe poco laat awe!"

"Y mi mester para mira cu lo  
pasa cu bo mescos? Henter mun-  
do ta bo dilanta ainda". "Mi mun-  
do ta José mama", Brigit a con-  
testa convenci. "Papa tabata for-  
midabel pa mi. Lo mi a sali pidi  
hende placa, si el a pidimi".  
"Bo tabata un mucha ainda, su  
jiu", e mama a contesta. "Cu bo  
tabata admiré, tabata masha na-  
tural, pero entre esposo ta otro.  
Mi a bisa caba, cu amor méster  
di bon suela. Bo tata tabata un  
bon hende, pero un soñador, y  
nunca el a stop di sonja. Pero  
kiko a keda di tur e cosnan ey?  
Seis alumno, cu el a duna les cu  
tur su amor y rendicion. Su ta-  
lento lo tabata suficiente pa cos-  
nan grandi, pero ta ken ta pidi  
esey? Cu José Marel lo bay mes-  
cos. Of bo ta kere cu el lo por

mas cu papa?" "Mi no sa,"  
Brigit a contesta. "Pero e ta  
serca di demonstra esey. Y mas-  
ke pasa cu né, manera abo ta  
pronosticá, ta net e ora e mester  
di mi pa mi yudé". "Ay si, ya mi  
a mira esey caba", su mama a  
contestá irritá. "José lo bay duna  
musica y abo lo mester traha na  
su lugar, tur dia bo mester bay  
oficina, y yega cas morto cansa.  
Mi no ta sigur cu Dios kier asina  
bunita, pr. despues bo mester  
marchitá riescos cu un flor chi-  
kito? Bo ta posibel, cu José ta  
un bon mucha homber, pero bota  
mucho bon pa comparti su bida  
miserable cu né. Brigit a keda  
pensa un rato, promé cu el a di-  
cidi di conta su mama loke a  
pasa. "José ta bay America pa  
un aña", el a bisa. "E kier  
mustra kiko e por". "Na Ame-  
rica?", e mama a ripiti, cu un  
stem henteramente otro. "Mi  
Dios, esey.....esey mi no por a  
sospecha. Mi no mester a papia-  
tur e cosnan ey cu bo anto. Mi  
ta comprende, cu bo ta tristo."

"Pero el lo pensa riba mi tam-  
bé", Brigit a contesta. "Bo  
no ta corda, con felis e tabata,  
dia cu el a ripara. Cu nos dos  
ta namora otro?" "Si, dos  
anja pasa", José a bisa. "Y  
den tur e tempo ey, no a cam-  
bia nada. Ami a keda mescos  
mi no a bay padilanti. Ora mi

tabata pará ta wardabo, mi a bol-  
be pensa, manera semper, riba  
esey." "Si, pasobra tin  
un hende cu ta cordabo semper  
no ta asina? Pero lo mi con-  
vence mama, José, keremi. Pron-  
to el lo mira, cu mi lugar  
semper ta serca bo. E kier bo  
bon, mi sa esey". "Ya cu e  
tin razon", José a contesta  
tristo. "Tantem cu mi no ta  
nada, mi no por hayabo. Mi  
a ripara esey caba, Brigit, y  
bo tambe mester haci asina.  
Nos lo bay pone nos amor ri-  
ba prueba, y mustra tur hende,  
cu e ta basta fuerte, pa sopor-  
ta un separacion. Bo no mester  
keda tristo, dushi. Un anja ta  
pasa asina lihé, y dia mi bolbe  
bek, bo ta casa cu mi, tende  
Brigit?" "Ki dia bo mester  
bay?", el a puntra y su wowo-  
nan a jena cu awa. "Otro ma-  
yan", el a contesta keto, y  
Brigit a ripiti e palabranan cu  
un stem tembloroso. "Otro  
mayan!" El a corre coy José  
su man tene, manera un hende  
cu a kere di perde e apoyo  
ey caba. "No, tempo lo tar-  
da mas hopi", el a bisa.  
"Solamente e unico dia, cu ta  
keda cu otro, manera awor. Pa-  
sobra nos no por separa di otro  
verdaderamente, mi curazon. Lo  
mi traha duro y semper lo mi  
keda corda riba bo. No jora

Brigit, mi kier pa bo por ta or-  
gulloso di mi". Brigit ta sa-  
cudi su cabez, pero su esfuer-  
zonan pa sonrei, a fracasa.

"Mayan nos dos ta sali henter  
dia no?", José a puntre. "Mi  
ta bin buscabo tempran y nos  
lo keda junto te anochi". Ora  
cu nan a sali di eyden, el a te-  
ne José su man, y esaki por  
a sinti con Brigit ta tembla,  
y pa trankilizé el a caricia su  
mannan. Asina nan a jega na  
Brigit su cas, caminda e ta bi-  
ba junto cu su mama. Un rato  
so nan a keda pará junto, y nan  
a palabrá di bolbe topa aki un  
ora. "Pakiko bo no ta drenta  
cu mi paden?", Brigit a pun-  
tra.

Di con mi mama nota com-  
prendemi? "Pronto esey lo  
cambia", José a contesta con-  
venci. "Lo boweyta, asina cu  
mi bira algo, bo mama lo la-  
gami drenta mesora serca bo".  
Brigit a sacudi su cabez, pero  
cu un curazon dolo el a cu-  
minza subi e trapu. Parce cu awe  
a tarda mas hopi pa e haya  
jega riba, y ora Helena Fos  
a mira su jiu muhe, mesora  
el a ripara cu esaki a cambia.  
"Doló di cabez bo tin?",  
el a puntra preocupa. "En  
berdad, awe tabata haci hopi ca-  
lor. Tende, mi tin pudin frieuw  
pa bo". "Hm", Brigit a bisa  
y a bay den sala. "Nos por  
comé mes ora?", el a puntra  
y su stem tabata zona comple-  
tamente otro cu di custumber.

E ta sigui..